



TI praecedente Libro, postquam ossium cartilaginumque historiam absolui, rationem modumque tradidi, quo quis haec ad disciplinam opportunè sibi parare queat, ita quoque hoc Libro omnium, quae seriatim tradentur, secandi artificium post cuiusque enarrationem subiungam, ut quis in uno corpore omnem musculorum ac ligamentorum Anatomem rectè aggreffurus, & ordine absoluturus sit. Partium uero quae in sequentibus Libris describentur Anatomem, prout illic commodius fore putauero, suis locis subiungam. Nunc autè cuticulæ, cutis, adipis, & membranae naturam hunc in modum aggredi possis. Nouacula acutiori, in abdomine, aut quacunque uisum fuerit corporis parte, cutem ad adipem usque recta sectione, & deinde transuersa (ut saltem unum, aut plures angulos moliaris) incidens, tam leuiter ac moderatè cuti nouaculam admouens, ut solam ipsam, illa sa interrim carnea membrana, diuidas. Quod sine negotio in homine facies, & praecipue pinguiori, quum subinde, & potissimè in mulieribus adipis crassities, duorum digitorum latitudinem in thorace & abdomine superet, in coxis autem ac clunibus etiam palmae latitudinem, in mulieribus non nimium obesis uincere, in publicis sectionibus uidimus. Ac proinde sectiones ducende sunt eo accuratius, quo macilentius obtigerit corpus. Deinde etià conandum est, ut hanc sectionem citra negotium obire assuecas, cum propter musculos ex carnea membrana conformatos, tum ad discendam neruorum seriem, quam inter cutem membranamque hanc ferri dicemus, & propter innumeras quoque uenas, quae in hoc diligentius erunt discendae, quod nullas in morbis incidamus, nisi carnea membrana suffulsa. Postquam igitur cutem ad adipem usque (nò tacta interrim carnea membrana) disseueris, hamulo aut unguibus, in aliquo ex sectionibus angulo cutem attolles, & diligenter transuersis acutiori nouacula, ad cutem ductis sectionibus, cutem ab adipe, quo usque liberit, separabis. Cuti deinde reflexæ ardentem candelam admouebas, ut cuticula ignis ui uesculae instar abscedat, seorsimque cutem, & cuticulam intuearis. Dum uerò cutem ab adipe liberas (quod nisi laborum patiens, discendi que cupidus fueris, non diu inde fesse facturus es) neruulos indagare conuenit, & uenas, quae super membranam in adipe prorepentes cutem adeunt, deinde ipsa quoque membrana fibris illis frequentibus cuti commissa, sedulo inspicenda est. Iam si obelum ad manum sit cadauer, adipem à membrana liberare contendito, quod eadem prorsus ratione, qua cutem ab adipe seiuungebas, praestandum est. Cauendumque, ne membrana oscitanter cum adipe auferatur, in quo nostrae aetatis Anatomici aberrarunt, eam membranam in homine reperiri insipientes, atque ita hac potissimum occasione necessariò, ut reliquos corporis musculos, & uenas & neruos, ita etiam ignorantes musculos, ex carnea membrana constitutos, & per illa exporrectas uenas & neruos. Ablato adipe, leuè sectione per carnosam membranam ad subiectos ipsi musculos usque induces, & parua opera, solis ferè digitis per transuersum hinc inde actis, aut buxo cultello, aut, si uoles, nouacula, illam à subditis partibus separabis, atque aliam membranam à cute separationem esse discēs, quam membranae ab illis, quibus incumbit corporibus, auulsiōnem, quam Herophilus *ἀνέσχυρ* nuncupauit. Haec enim factu facilis est, ocyusque perficitur, illi operationi penitus respondens, qua bobus, uiculis, ouibus, leporibus cutem citra negotium auferri uidemus, imò auulsiō haece adeò prompta est, ut solo flatu hcedis, agnis, & etià iunioribus uiculis, membranam hanc cum cute, à subditis corporibus separari indies cernamus. Verum cutis ab adipe aut à membrana separatio, nisi frequentissimis sectionibus, acutissimisque nouaculis completur. Quod etiam & lanij nos docent, quoties sub axillis cutem auferre conantur, carnosam membranam corporis bouis adnexam (ne nimium carnis auferant) relinquentes. Neque ista tantum uel apud lanios discuntur, uerum etiam cuticulæ natura, quum lanij obustos prius porcos deradunt, aut potius, quum calidæ aquae ipsos immergentes, pilos unà cum cuticula descalpunt.



- uorum sectionibus opportunè utimur, dein huic asseri o  
 bus in dissectionum administrationibus, adeoque tota  
 la leuiori opera assequaris, huic etiam figuræ caracte  
 non grauat sum. Indicetur itaque
- A A Mensa, cui reliqua omnia modo seriatim indicanda sunt.
  - B, B Asser uiuis sectionibus administrandis idoneus.
  - C, C Varia foramina, quibus laqueos pro animalis mole adhibere possis.
  - D, D Eiusmodi anuli, summis manibus pedibusque ligandis adhibendi.
  - E Huic anulo maxilla superior, libera inferiori, catenulis ac interim neque uox, neque respiratio uinculorum occasio.
  - F, F Diuersa nouacularum genera, quibus spongia accumbens.
  - G Cultelli ad earum speciem formati, quibus calami adhibendi.
  - H Vulgaris qui mensæ adhibetur culter.
  - K Cultri è buxo parati.
  - L Hamuli.
  - N, N Obliquæ acus cum filo crassiore, quibus literarum fastidia.
  - n Minores acus, quas uulneribus suendis accommodamus.
  - O Serra.
  - P Forficula.
  - R Arundines inflandis pulmonibus, & alijs quibusdam.
  - S Filum æneum, ossibus necandis aptum.
  - V Varia subularum ferra.
  - X Forpex intortus.
  - Y Forpex, quo intorti, & ossa iam committentis fili reliqui.